

咸淳重修毗陵志

重修毗陵志卷第六

官寺二

國家取民有制曰常賦曰征權幣廩出納所以供
公上給郡計也毗陵賦入今不逮昔而調度無異盛
時爲之用之盡知所處矣

倉庫

州

糴納倉在州橋南街東紹興四年俞守侯始創三廩
多寄納於寺觀八年王守縉復增八廩又於倉後

濬河以便漕餉歲久堙廢今爲廩十有一廳屋三楹爲受給之所

常平倉附糴納倉廩有三

軍資庫總十有七楹在譙門內東偏紹興詔錄參事監通判提舉簿書並同僉署

大軍庫在軍資庫東

常平庫在軍資庫西

江防庫在軍資庫東

糴本庫在軍資庫西

牙兌庫在軍資庫西

都倉錢庫在軍資庫西

折帛庫在軍資庫北

夏稅庫在軍資庫東

贓物庫附軍資庫

經總庫在通判廳東廡宣和三年置經制司建炎五年置總制司舊以守貳通掌而隸提刑司後因版曹有請專屬通判主管焉

惠民藥局在金斗門裏 寶祐間奉 旨創建

甲仗庫在設廳東廡至道中詔諸路教閱軍士官給
弓矢知通提舉都監同主管其正監官通宿焉

架閣庫在小廳西廡倉庫令州以職官縣以丞簿尉
掌焉諸案牘三年一檢簡申監司委官覆閱除之
其應留者移別庫今廢

雜物庫在小廳西廡

公使庫國初命諸州署公使庫過客必館寓下逮
吏卒亦給口券此古者使食諸侯之義也

酒庫總四十餘楹在小廳西

錢庫在小廳西廡

銀器庫在公使庫西

帳設庫在小廳西

醋庫在薦巷開寶中詔聽官酤熙寧間令抱課息餘

助公使庫

薦巷舊基尚存今徙孟巷

設厨在浙西道院西

晉陵

省庫在縣治

武進

省庫在縣治

無錫

省倉在縣南

常平倉在省倉西

省庫在縣治

宜興

苗倉在縣城門西

麥倉在縣城門東

常平倉在通真觀前

省庫在縣治

場務

州

合同場在天禧橋西政和二年詔行茶引法廢諸州
權賣始焉

造舡場在迎秋門外今廢

焚草場在青山門外今廢

都酒務在金斗城外街東

比較務舊在新坊橋北政和間置

瞻軍務舊在光孝寺後紹興間置乾道皆併入都酒

務故俗稱
三酒務

都稅務在元豐橋東

樓店務 國初始置於京師又爲店宅務後行之諸

郡務久廢所收省地錢以戶曹掌之

平準務舊在都稅務而今廢

窰務舊在通吳門外今廢

慶豐園在州橋南

如春樓在大市舊名和旨後改最高又易今名

花月樓在都稅務西

晉陵

橫林務在縣東二十五里

村坊四十有四

以下四縣村坊其見開者皆淳祐初年數後多停開

見開

橫山

網頭

史墅

大劉

于塘前

魏橋

洛陽

吳村

周橋

西角東

運村

徐沈

董墅

王墅

新安

符墅

塘門

金斗

梅村

卞墅

王莊

羗墟

殷薛

新村

西派溝

夏墅

許墅

石墅

後塘

車塘

停開

前黃

虞橋

練梁

南城

鄭陸

黃墅

西角西

闕店

胡橋

于塘後

犒賞庫

陳莊

薛堰

板橋

萬春

武進

奔牛務在縣西

萬歲務在縣北

青城務在縣北

村坊四十有四

見開

後餘

皇里

黃土岸

盛莊

余宅

破墩

平原

安橋

卜弋

董莊

莆村

牙村

夏莊

赤岸

前魚

湯村

塘陽

鄒墟

盛莊東

孫莊

沙子

西李莊

高梅

東李莊

占石

者塘

韓莊

祿城

謝莊

趙莊

停閉

由村

楊莊

陳鴈墅

段莊

張莊

犒賞庫

大吳

邢村

路莊

遂村

三畝

胡莊

董薛

符莊

查壩

無錫

酒稅務在縣南大市橋

望亭務在縣東南

村坊四十有四

見開

賈橋

富村

胡埭

前市

吳戴

蠡頭

宋店

王巷

馮堰

徐塘

梓堰

明德

麻糖

太平北

甘露北

青祈

沙頭

李村

馬橋

鄭店

五牧

西張塘

曹坊

羅店

太平西

停閑

閭江

板橋

利國

甘露南

陸塘南

陸墟北 北張塘 余洪 葛埭 板村

長缸

犒賞庫

內潘葑治社隸激賞所

潘葑 虞城 洛社 祝塘 錢橋

佐村 呂村 趙豈余灣

宜興

酒稅務在縣東南通津橋東

湖淤務在縣南四十里

張渚務在縣西南七十里

村坊六十有五

見開

定誇

道村

祝陵

西陽渚

六平西

離群

上王

鍾離

耒村

又豐義

裴莊

路莊

韋莊

姚村

餘靄

苦竹

謝莊

安樂

南馮墅

市橋

杜橋

宛莊

溪口

後許

胥村

凰川

正豐義

正表村

官村

葛墟

符莊

莊村

梅村南

梅村北

五牧

田圖

黃土南

黃土北

虞山水東五牧

北馮墅

大浦

廟瀆

大墟

陽山

赤石

上百瀆

塘頭

柯莊

杜莊

永定

王莊

格南

富村

五城上

五城南

又袁村

停閑

潘橋

犒賞庫

周村

潼渚

六平東

虞山水西遺蹤

重修毗陵志卷第七

秩官一

太伯開國於吳毗陵實在封域之內秦人易封建而郡縣始置守令漢兼用之由魏以後封爵漸爲虛名罕復就國今取其姓字見於史冊者書之若使名之置沿革不一且兼統諸郡難獨載於本郡之志惟所領顯然見郡名者則著焉

歷代封統

總四縣

商

太伯太王長子立於吳

仲雍繼立

周

周章仲雍曾孫武王因封於吳

斌周章少子封於安陽

吳

季子札壽夢第四子封於延陵

楚

黃歇爲考烈王相請封江東王許之城故吳墟自爲

郡邑

西漢

靈常高帝十二年封陽蒗侯邑二千戶

詳見叙縣

靈賀帝子襲封陽蒗侯

靈長賀子襲封陽蒗侯

東漢

蔣澄建武間封山亭鄉侯

蔣通澄子封陽蒗西亭侯

蔣休澄子丹陽太守襲封山亭鄉侯

孫策封吳侯

魏

孫權封吳王

吳

朱治始仕漢建安中爲九真太守扶義將軍以妻由
拳無錫毗陵爲奉邑黃武元年封毗陵侯

孫紹封吳侯

策子

陸景字士仕以尚主拜騎都尉封毗陵侯

孫紹爲相封陽羨侯

晉

悼王軌字正則武帝子拜騎都尉追封毗陵

始平王子儀武帝孫太康十年初封毗陵

顧祕與周玘共討石冰以吳興太守都督揚州九郡

軍事

周玘處長子永興間三舉義兵別立義興郡以表其

功

札處幼子以討錢璦賜爵漳浦亭侯

錢廣與周玘平陳敏追贈永世縣侯

元帝諱睿永嘉元年爲安東將軍鎮建鄴都督揚州
江南諸軍事

哀王冲元帝第三子嗣東海世子毗後詔以毗陵增
本封邑萬戶避世子諱改毗爲晉

周筵處族子以討王敦加冠軍將軍都督會稽吳興
義興晉陵軍事

顧衆字長始吳郡人以前義興太守與弟颺舉義兵
討蘇峻始爲本國督護尋爲五郡大督護統諸義
軍討賊張健等又假揚威將軍督護吳晉陵軍事

颺爲護軍叅軍監晉陵軍事

虞潭餘姚人爲吳興太守以討蘇峻加輔國將軍督
三吳晉陵宣城義興五郡軍事

王允之舒之子以討蘇峻行揚烈將軍督護吳郡義
興晉陵三郡軍事

郗鑒高平人爲侍中以討賊劉徵加都督揚州之晉
陵吳郡諸軍事

何充廬江人建元初以驃騎將軍出鎮京口都督徐
州揚州之晉陵軍事

褚裒字季野辭侍中衛將軍授都督徐兗青揚州之
晉陵吳國諸軍事徐兗二州刺史假節鎮京口
郗曇襲之孫以北中郎將都督徐兗青幽揚州之晉
陵諸軍事領徐州刺史

范汪以安北將軍都督徐兗青冀揚州之晉陵諸軍
事

郗愔字方回以輔國將軍都督徐兗青幽揚州之晉
陵諸軍事領徐兗州刺史

謝玄字幼度少爲叔父安所器重將堅入寇詔爲前

鋒都督徐兗青幽州之燕國揚州之晉陵諸軍事
謝安字安石以總統功拜太保上疏北征進大都督
揚江荆司豫徐兗青冀幽并梁益雍涼十五州軍
事加黃鉞

譙王恬字元瑜宣帝從曾孫忠正有幹局勲望在宗
室右孝武帝命為都督兗青冀幽并徐州之南北
部揚州之晉陵諸軍事

王恭字孝伯蘊之子以前將軍鎮京口為都督兗青
冀幽并徐州晉陵諸軍事

張玄之以才學顯孝武帝時封晉陵侯自吏部尚書
爲吳興太守時謝玄爲會稽內史同年之郡人稱
南北二玄

劉道憐都督兗青二州晉陵京口淮南諸郡軍事

宋

彭城王義康以南徐州刺史都督南徐兗揚州之晉
陵諸軍事

江夏王義恭監南徐兗揚州之晉陵諸軍事尋進都
督

孝王子雲孝武帝子封晉陵

齊高帝諱道成姓蕭氏歷位相國以南徐州之蘭陵
晉陵義興等十郡封齊公

齊

許勇慧太子家令封晉陵縣侯

梁武帝諱衍姓蕭氏始仕齊中興二年加揚州牧以
南徐州之義興等十郡封梁公尋爵爲王又以十
郡益所封國晉陵在焉

梁

陳高祖武帝父文讚梁太平元年追封義興郡公

陳武帝諱霸先始仕梁承聖二年鎮京口授大都督
中外諸軍事東討至義興太平元年封義興郡公
賜印策二年進相國以南徐州之義興等十郡封
陳公尋爵爲王又以十郡益所封國晉陵在焉

陳

張種字士苗歷侍中中書令太建初累賜無錫嘉興
縣秩

蕭瑒後梁明帝子封晉陵郡王

唐

膠東郡王道彥世祖孫武德初封義興郡公進封王
高儉字士廉武德五年封義興郡公

越王泰貞觀二年正月除使持節大都督揚州常潤

十六州諸軍事

以後置巡察觀察節度等使並見郡縣表

蔣儼封義興縣子

義興郡公皓高祖孫江王元祥子

節愍太子重俊中宗子聖曆三年初封義興郡王

晉陵王倓元宗孫徐王瑋第三子

蕭昕梁鄱陽王恢七世孫大曆中封晉陵侯後進郡公

郇王總順宗子正元四年授少府監初封晉陵
蔣又封義興縣公

晉陵郡王瀛憲宗孫

五代

徐溫僞吳時爲兩浙路招討使鎮潤州以昇潤宣常
池黃六州爲齊國

李景邁南唐昇從子昇元初封晉陵郡公

國朝

丁德裕以東南路行營都監內客省使爲常潤等州
經略巡檢使

崔彥進從征太原爲先鋒遷常州防禦使

馬仁瑀從平澤潞領常州防禦使

歷代郡守

太守秦置兩漢三國因之晉亦然
惟諸王所封則曰內史隋亦曰太
守唐初改郡爲州太守爲刺史天
寶嘗復改爲郡及太守至德復舊
迄唐末五
季不改

晉

張闓字欽緒丹陽人元帝時爲晉陵內史有威惠所

部四縣旱立曲阿新豐塘溉田八百餘頃

今縣有新塘鄉

葛洪嘗著頌後蘇峻之役與陶回共督丹陽義軍
闓至晉陵命內史劉耽運粟給餉以功加散騎常
侍

羊曼字祖延太傅祐九世孫元帝時歷尚書吏部郎
爲晉陵太守

顧和字君孝吳郡人王導稱之曰珪璋特達機警有
鋒不徒東南之美實爲海內之俊遂知名太寧中

領晉陵太守以政著稱

郝邁鑒兄子爲晉陵內史謙愛養士爲流亡所歸擢
兖州刺史

王蘊字叔仁簡文帝時補吳興太守甚有德政徙晉
陵復有惠化百姓頌之太元二年爲徐州刺史督
江南晉陵諸軍

江灌字道群陳留人與兄道齊名初爲州治中歷晉
陵太守

殷仲堪陳郡人父師驃騎諮議叅軍晉陵太守嘗表

太伯墓仲堪初任著作郎繼領郡禁產子不舉久
喪不葬所有條教甚有義理

吳隱之字處默鄞城人儒雅廉介事親至孝由尚書
郎累遷晉陵太守在郡清儉妻自負薪入爲中書
侍郎

劉牢之字道堅彭城人沈毅多計畫破苻堅累加輔
國將軍領晉陵太守後代王恭都督兗青冀幽并
徐揚州之晉陵軍事子敬宣

敬宣繼拜晉陵太守與諸曷長民破桓欽於芍陂遷

建威將軍

滕恬之孝武時爲晉陵太守符堅子丕請降謝元命
渡河守黎陽

王茂之字興元晉驃騎將軍虞之孫少有美譽仕至
晉陵太守

諸葛長民琅邪陽都人有文武材幹義熙初持節青
揚二州軍事領晉陵太守鎮丹徒

劉耽沛國相人簡文帝時爲晉陵太守亦知名

宋

袁顗字景章陽夏人初爲豫州主簿累遷晉陵太守
王蘊字彥深始爲廣德令歷晉陵義興太守

齊

王亮字奉叔以名家擢晉陵太守在職公清有美政

梁

蕭昱字子真武帝從子歷中書黃門侍郎普通間爲
晉陵太守下車勵名迹明憲法除苛戢姦不旬日
郡境肅然卒于官百姓感泣爲立廟建碑復請于
朝詔贈襄州刺史謚恭子

蕭懿字光達高帝長兄始任齊歷晉陵太守以善政
稱後封長沙郡王

蕭曄字通明文帝第六子容善談辯歷給事黃門侍
郎出為晉陵太守兼折角車被儒服名盛海內為
宗室推重

蕭直武帝孫封永新侯位晉陵太守

杜僧明字洪照廣陵人少有膽氣以討侯景功進爵
為侯仍領晉陵太守

謝舉字言揚陽夏人兄覽齊名江淹一見嘆曰所

謂御二龍於長塗武帝時遷吏部尚書為晉陵郡
與義興僧遞講經論後為右僕射

孫廉字思約東莞人天監初為晉陵太守居官平直
以善政稱時從父謙為五郡太守亦有惠化武帝
曰東莞二孫廉謙而已

劉孺字孝稚彭城人少聰敏叔父瑱為義興郡攜之
官每謂客曰吾家明珠也大同中守吏部尚書為
晉陵太守在郡和理為吏民所稱入為侍中

范岫字懋賓考城人博涉書傳尤悉魏以來故事沈

約稱之曰范公好事該博無以加居官廉介在晉陵時惟作牙管筆一雙猶以爲費

陳

王勣字公濟琅邪人始仕梁爲給事黃門侍郎歷晉陵太守時當兵飢後爲政清簡吏民便之太建元年累遷尚書右僕射時東境大水命再領郡威惠尤著郡人請立碑頌詔許之

蔡凝字子居考城人博涉有文太建元年歷中書侍郎遷晉陵太守將之郡更勅左右修中書辭字謂

賓友曰庶來者無勞

陰鏗字子堅武威人博通史傳尤工五言天嘉中爲
始興王錄事參軍累遷晉陵太守

殷不害字長卿長平人家世儉約事老母養小弟以
薦行稱除司農卿出爲晉陵太守召拜光祿大夫
孔奐字休文會稽人爲太子中庶子永定二年除晉
陵太守晉陵自宋齊以來爲大郡雖經寇擾猶爲
全實前後二千石多侵暴奐清白自守妻子並不
之官單船造郡所得秩俸分贍鰥寡號曰神君入

爲御史中丞

王猛字世雄本名勇晉尚書僕射五世孫太建中爲
晉陵太守威惠兼舉姦盜屏息人以比趙廣漢

唐

李玄道隴西人正觀中累遷給事中擢爲常州刺史

風績清簡下詔褒美久之加銀青光祿大夫歸第

薛謙光

以與皇太子名同改名登

義興人通貫文史天授初累遷

左補闕時選舉濫甚登上疏謂古之取士當考素
行之原詢鄉曲之譽長安閒選臺閣賢望分典大

州得韋嗣立楊再思等十九人謙光在選中領鄉
郡後居官可紀焉

齊濟字洗心定州人少聞敏李嶠稱有王佐才開元
中遷給舍論駁詔誥皆援古誼時號解事舍人歷
常州刺史政尚清簡

盧奐懷慎子天寶初爲晉陵太守以清白聞

見詳符
經本傳

不載

李栖筠字真一趙郡人幼莊重有遠度爲文勁迅族
子華稱有王佐才肅宗時拜工部侍郎魁然有宰

相望元載忘之出爲常州刺史歲旱編氓流徙乃浚五渠通江流溉田歲大稔興起學校堂上書孝友傳示諸生

獨孤及字至之雒陽人性孝友爲文長於議論代宗時遷左拾遺歷舒濠二州賜金紫徙常州治尚平易民皆安之甘露降其庭子祖三檜至今猶存世比之甘棠韓舍人嘗有詩云前朝山水國舊日風流地右軍年尚少三領東方騎有文集刊于鄆齋蕭復字履初瑀之後以清操著忤時宰出爲常州刺

史大曆中有司差天下刺史治最與潤州蕭定濠
州張鎰俱第一陸贄奏議云復刺常州閱其治行
雖云戚屬修勵清貞建中間同平章事

韋夏卿字雲客萬年人大曆間累遷給事中出爲常
州刺史爲政簡易不事條教嘗爲獨孤東山記

李巽字令叔贊皇人累遷左司郎中出爲常州刺史
長於吏事吏有過秋毫無所縱股慄脅息常如與
巽對

盧元輔字子望懷慎曾孫德宗朝拜左拾遺諡靜

介能紹祖風歷常州刺史以課最召累遷兵部侍郎

穆贇字相明河內人爲常州刺史有政聲

見舊經本傳不載

辛祕隴西人禮學殫洽憲宗初拜湖州刺史時李錡反先取支郡以祕儒者易之初與逆戰斬賊將進焚營堡錡平賜金紫遷常州刺史

孟簡字幾道平昌人元和中拜諫議大夫以論事出爲常州刺史浚導孟瀆溉田千頃以勞賜金紫召拜給事中又浚無錫泰伯瀆

詳見山水

李從誨襄邑恭王神符五世孫寶曆初擢策厯待御
史知雜事出爲常州刺史鎮海軍節度使李琢表
其政賜金紫

賈餗字子美河南人美文辭開敏有斷累遷考功郎
知制誥拜常州刺史舊制兩宮官出使得朱衣吏
前導因用之白居易有戲和醉中二絕云聞道毗
陵詩酒興近來積漸學蘇州

楊虞卿字師皋弘農人累遷給事中出爲常州刺史
白居易送別詩云無嗟別青瑣且喜擁朱輪劉禹

錫詩云曾主魚書輕刺史今朝自請左符來

盧鈞字子和范陽人歷監察御史爭宋中錫獄遂知名進吏部郎中出爲常州刺史有政績遷給事中後爲左僕射

馬植字存之嘗爲安南都護精於吏事政不煩擾夷獠安之石還出爲常州刺史

楊假字仁之馮翊人繇浙西判官擢監察御史歷常州刺史

李子智

竇德明襲封鉅鹿郡公並爲晉陵郡太守

李延道姑臧人秦府學士

長孫濬無忌子長安伯

靈幼孫范陽人

韋昭理見素從弟

韋晉承慶子

房挺融從子

褚琇遂良從孫給事中

崔巽元暉孫

盧瑗翰從子

李翦襄邑恭王神符五世孫

崔璿珙弟

楊恂字莊已虞卿孫

孫會河朔人晉安縣男

孫徽河朔人並為常州刺史

並見世系表

李孝逸咸亨二年為常州刺史三月移越州都督

姚元之景龍元年自越州都督授常州刺史

杜庭誠天寶七載為晉陵郡太守

裴肅正元十四年以御史中丞為常州刺史九月移
浙東觀察使

賈全正元十八年為常州刺史正月移浙東

李遜元和五年以前常州刺史授浙東觀察使

薛戎元和十二年為常州刺史正月移浙東

並會稽志

朱實中和四年

張崇天祐三年並常州刺史

五代

李遇偽吳時為常州刺史安仁義反焚東塘遇出戰

大罵之仁義止軍曰李遇敢辱我乎遇設伏退賊
追至夾岡而回

睦昭符金陵人南唐保大中爲常州刺史州當吳越
之衝屢交兵城邑荒涼政務寬簡招納逋亡未幾
富實

趙仁澤保大中爲常州團練使吳越兵犯境力戰被
執歸錢塘見王不拜責以背盟王怒抉其口至耳
竟不屈相臣元德昭命傳良藥尋愈

姚鳳保大中爲常州團練使

張訓僞吳時

張伯棕吳順義中

徐景邁吳天祚二年

禹萬誠南唐時

并常州刺史

歷代縣令

東漢

袁玘會稽人爲陽羨長始造長橋以利涉邑人至今

賴之爲立廟歲時祠祀不絕

孫權年十五兄策定諸郡以爲陽羨長

晉

賀循山陰人舉秀才除陽羨令以寬惠為本

宋

劉道產為無錫令有能名

劉秀之為無錫令羨烏程令著能聲

齊

高爽博學多才為劉禧為晉陵令爽經塗詣禧禧了不相接爽甚銜之俄而爽代禧為令禧迎贈甚厚爽受餽答書人問故荅曰彼自餉晉陵令耳何関爽

事其機悟類此

蕭坦之南蘭陵人父欣至武進令坦之爲世祖爲知
除蘭陵令

梁

伏挺曼容孫少未舉秀才策爲第一累爲晉陵武康
令

張盾字士宣以謹重稱爲無錫令後馮湘東王記室
死之日家無餘財惟文書千卷酒米數甕而已

劉潛字孝威與諸兄弟相勉以學並工屬文爲陽羨

令甚有稱績

南唐

徐延休會稽人天祐中攝義興令勤恤民事初郡守
督事多遣小吏巡縣爲民患延休筆而遣之刺史
王元章服其剛正貽書謝過二子錯鉉皆知名
楊廷式清原人爲義興令以清苦爲政民甚安之

重修毗陵志卷第七

重修毗陵志卷第八

秩官

國朝郡中

唐制守臣結銜曰某州刺史五閩亦仍故號藝祖革藩鎮之弊凡諸郡入版圖率命朝臣出守曰權知州

事

三朝史職官志云端拱後去權字

毗陵先屬南唐

開寶七年遣

內客省使丁公德裕監吳越軍來討明年刺史禹萬

誠以城歸我因命丁公權知焉郡有舊題名燬於

建炎兵火

乾道間晁守子健得舊錄刻諸石乃謂

始於建隆闕丁公不書自此迄元符末官職歲月十八九誤且有遺逸氏名亦間舛今別搜討凡國史實錄諸書及碑刻所載官職歲月灼然可信者乃書于氏名之下否則闕傳信也至陳守綬以下則有洪公遵所作廳記強守行父而後又各官自書咸得其實焉

晁記書張守方回淳化三年到任繫資善堂講書張乃天禧元年到且資善大中祥符九年方建又書楊守促至道元年到任帶顯謨閣學士促當作佩顯謨藏神宗御集元符元年方建又書邵守必寶元元年到任帶徽猷閣學士邵乃皇祐四年在任徽猷藏哲宗御集大觀二

年方建又書陳守襄至和二年到任帶樞密直學士陳乃嘉祐六年到帶祕閣校理碑誤率類

此不容編舉此編止

因其氏名餘不取

丁德裕

開寶八年五月內客省使常州行營兵馬都監權知州事見實錄及正史本傳晁記闕

固惟舉

晁記始此但李公沆等進太祖實錄表凡命知州悉存姓名不書此

杜載

開寶九年九月六日
贊善大夫見實錄

鄭仲

石皓之

舊圖經止書石公雄太平興國四年更建夫子廟於州治之西

柳開

太平興國右贊善大夫後遷殿中丞改知潤州見正史本傳

臧晫

山靖

石熙政

晁記書石公熙政開寶三年到按登科記
太平興國六年公方登第兼郡未入收圖

趙籍

郊元規

樂穎

趙化基

張獻可

石該

晁記書石該郭仲恭竇謚崔育皆帶太子太
保按三朝史王溥傳國初進司空乾德

二年罷為太子太保故事一品班臺省後
太祖曰溥舊相當與之即令分臺省班於

東西又兩朝史職官志叙遷之制太子太保在左右廉射上秩穹如此豈列郡守臣所

帶兼考史錄諸書四人未嘗為顯官記誤兼仲恭乃允恭自帶右岸辨見後

周幹臣

宜興縣天申官止有景德四年尚書都官員外郎知軍州周絳題詩石刻

張子發

呂希之

陳漸

郭仲恭

當作允恭宜興縣天申官授金龍玉簡石刻有天禧元年四月崇儀副使銀青

張方回

宜興縣天申官有天禧元年十月知縣事張方回題詩石刻

馮敦

楊促

當作侃

竇謚

崔育

王仲庸

劉賡

當作賡本州天慶觀重修三清殿石刻育天聖六年二月尚書都官員外郎知軍州劉賡

繫街

張太冲

夏侯度

李餘慶

天聖七年國子博士後卒於郡募橫山見墓所章望之所撰遺愛錄石刻

胡一舉

李昭述

無錫蕙山寺重刊陸羽寺記有天聖八年六月尚書屯田員外郎知軍州李昭述繫街

陳商

郭維

王寔

當作湜本州天慶觀道經傳授圖石刻有景祐四年七月尚書祠部郎中集賢校理知軍

州王湜
繫街

王盤

胡端甫

孫仲謀

志

卷八

四

張和之

丘崇道

郭大同

邵必

宜興縣天申宮有張公洞三大字石刻云人
守丹陽不疑所書皇古壬午歲魏公壬子辰繁四年

彭思永

彭慶人皇祐元年以都官員外郎知常州先時郡多火
災公至其患遂息後尋召為侍御史見明道所撰行狀

胡楷

呂憲

沈之柔

范時道

當作師道嘉祐元年九月以侍御史出守二
年四月除廣南東路轉運使見通鑑長編

王安石

嘉祐二年太常博士三年二月除江南路提點刑獄見文集年譜及通鑑長編

沈康

嘉祐三年二月尚書度支員外郎集賢校理新江南東路提點刑獄改知軍州四年

五月權管勾南京留司御史臺見通鑑長編畧記元關

陳求古

路遠

劉述

陳襄

嘉祐六年尚書祠部員外郎祕閣校理在任遷度支司封員外郎治平元年以開封府推

官召見葉祖治所撰行狀

鄭申

王說

治平四年尚書或方員外郎見王安國州學記熙寧二年三月衝替見通鑑長編

楚泰

王汾

當作汾無錫縣悲志山寺有熙寧四年八月尚書司封員外郎集賢校理知軍州王汾所陵曾大父翰林尚書公禹僊題詩石刻

余從周

徐九思

范子諒

石元令

董組

張安尚

李孝鼎

錢景湛

周濟

本州天禧橋東直武殿有元祐九年正月右
朝奉大夫知軍州周濟題扁板刻哲宗舊實
錄元祐四年十一月三省言承務郎已上至
朝請大夫欲分左右進士加左字餘人加右
字從之此制至紹聖二年
方改故周守階官有右字

曾永昌

廖正一

紹聖二年見舊圖經建虛白堂
注祀閣校理見鄒忠奏議公

何琬

三十一

志

六

呂公雅

真子襟

張徹

宜興縣天申宮有公和通判杜公子民詩
石刻云元符庚辰上元日庚辰繫三年

陳綬

崇寧元年朝奉大夫自此以下洪公遵所記廳壁姓名

朱彥

崇寧元年閏六月以朝散郎守給事中降承
議郎出守八月降奉議郎見祐陵事實及江

陰縣中浦季子廟碑此
負洪記照晁記所增

邵饒

崇寧三年朝散大夫直龍圖閣三年
五月改知蘇州陪官見光孝寺石刻

李孝節

崇寧三年十月改知蘇州請郎
四年十月改知蘇州

燕若蒙

崇寧三年正月朝散大夫
大觀三年十月改除浙漕

徐申

大觀二年十月朝請大夫提點太常寺大成樂政和元年十二月滿

張綬

政和元年十二月中大夫三年三月宮觀

晁端誠

政和三年四月朝請大夫三年八月滿

葉唐稽

政和五年六月朝請大夫七年八月滿

安沫

政和七年八月朝請大夫宣和元年十月滿

何處厚

宣和元年十月朝請郎直祕閣三年五月提點建隆觀

魏憲

宣和二年十月朝奉郎直龍圖閣三年五月除太常少卿

劉光

宣和三年五月朝奉郎在任累轉朝請郎五年四月再任六年四月銜罷

蔡由

宣和六年四月朝散郎徽猷閣待制七年五月罷

方閏

宣和七年六月朝散郎
八月改除江東提刑

何充

宣和七年十月朝請郎在任累轉
朝散大夫建炎元年十一月滿

周杞

建炎元年十一月朝散郎在任累轉朝請大
夫除右文殿修撰兼管內安撫四年六月罷

張銳

建炎四年五月奉議郎直祕閣七月
改知秀州州員洪記關亦晁記所增

徐天民

建炎四年七月左朝散大夫直徽猷閣紹興
二年五月改除浙東提刑按李心傳繫年

紹興元年九月用樞密院編修官楊愿請也又
分左右字用樞密院編修官楊愿請也又

雜記淳熙改元有趙善俊請省去從之故
自此至乾道末曹守總所帶階官有左右字

俞侯

紹興二年五月右朝散郎在任
累轉朝奉大夫四年五月滿

詹至

紹興四年五月左朝議大夫三年
月改差充都督府主管機宜文字

鄭作肅

紹興五年閏三月左朝散郎
直秘閣七年三月赴召

謝澈

紹興七年三月右
朝散郎九月罷

虞灃

紹興七年五月左承奉郎直龍圖閣
在任累轉宣教郎八年十月衝罷

韓肖胄

紹興八年十一月端明殿學士
左中大夫十一月赴召

王縉

紹興九年正月左朝奉大夫
直祕閣十一年正月滿

秦梓

紹興十一年二月左承議
郎直祕閣四月改知湖州

陳正同

紹興十一年六月右宣
義郎十三年七月滿

徐康

紹興十三年七月右朝
奉郎十五年六月罷

葉三省

紹興十五年七月左
朝請大夫九月罷

湯鵬舉

紹興十五年正月左朝散大夫直
秘閣十六年六月除兩浙運判

強行父

紹興十六年七月右奉直大夫在任轉
朝議大夫十七年十二月罷自此以下

各官

自書

黃積厚

紹興十八年正月左
朝請大夫七月罷

莊必疆

紹興十八年八月左朝
請大夫十九年四月罷

吳序賓

紹興十九年五月右
朝請大夫十一月罷

錢周村

紹興十九年十二月左朝奉郎後除集英殿
修撰再任二十三年閏十二月除敷文閣待

制提舉太
平興國宮

李琛

紹興二十三年閏十二月右朝散大夫改知
提舉權提刑兼權二十四年四月改知

孟慶義

紹興二十四年五月左朝奉大夫浙西提本

黃敏行

紹興二十四年六月右承議郎權知江陰軍兼權十一月移知和州

錢秉之

紹興二十五年正月右朝散郎三月主管台州崇道觀

李洸

紹興二十五年五月右朝請大夫浙西提舉權提刑兼權六月改知明州

杜師旦

紹興二十五年七月左奉議郎浙西提舉權提刑兼權

沈調

紹興二十五年十一月左中大夫二十六年正月改知揚州

榮薊

紹興二十六年二月右朝請大夫九月除直祕閣知臨安府

周石

紹興二十六年十一月右朝請大夫直祕閣二十七年正月改知秦州

梁仲敏

紹興二十七年三月左朝請大夫二十八年二月丁憂

莫伯虛

紹興二十八年四月右
朝奉郎三十年二月罷

陳鼎

紹興三十年三月右承議郎通判
臨安府被旨差權五月致仕

葉顥

紹興三十年七月左朝散郎
三十二年四月主管崇道觀

郭契敷

紹興三十二年五月朝奉郎在
任轉朝散郎隆興二年正月罷

劉唐稽

隆興二年二月左朝散郎在任轉朝
請郎乾道元年二月主管崇道觀

葉衡

乾道元年二月左朝奉郎二年十
月超召除太府寺丞淮西總領

李璿

乾道三年正月致仕
奉議郎當月十八日致仕

錢建

乾道三年二月左朝散郎在任轉朝請郎
四年五月係浙西提舉兼權八月免權

李安國

乾道四年八月左朝請郎在任轉朝奉
大夫六年八月赴召除戶部郎中

晁子健

乾道六年八月右朝散大夫在任轉朝請大夫八年八月滿

莫漳

乾道八年九月左奉議郎九年正月除司農寺主簿

沈祖德

乾道九年正月左宣教郎在任轉奉議郎八月除太府少卿淮西總領就改知饒州

葉模

乾道九年九月右朝散大夫浙西提舉兼權十一月免

曹總

乾道九年十一月右朝奉郎在任轉朝散郎淳熙元年十月改知衢州

陳舉善

淳熙元年十一月承議郎二年三月除直龍圖閣浙東提舉

陳庸

淳熙二年五月承議郎在任轉朝奉郎四年五月滿

楊萬里

淳熙四年五月承議郎六年正月除廣東提舉

李結

淳熙六年二月承議郎
在任轉朝奉郎五月罷

章冲

淳熙七年七月朝奉大夫八年八月
賑濟有勞轉朝奉大夫九年七月滿

張孝賁

淳熙九年七月朝奉
郎十一年七月罷

豐誼

淳熙十一年八月朝請大夫在任
轉奉直大夫十一年十一月罷

林祖洽

淳熙十三年二月朝請郎在任
轉朝奉大夫十五年二月滿

吳城

淳熙十五年四月宣教郎直
徽猷閣十月除太府寺丞

張商卿

淳熙十五年十二月朝請郎十六年四
月轉朝奉大夫十二月除淮南運判

李嘉言

紹熙元年二月朝散
大夫十一月被召

曾三復

紹熙二年正月朝散大夫在任轉朝
請大夫十一月改差御史臺檢法官

陳謙

紹熙二年十一月承議郎在任轉
朝奉郎四年七月除湖北提舉

黃灝

紹熙四年十月朝請郎
五年十月除浙西提舉

張貴謨

紹熙五年閏十月朝散郎賑濟有勞轉
朝奉大夫慶元元年十一月被召次

年正月離任
除尚左郎官

趙君宣

慶元二年正月朝請大
夫三年八月改知湖州

趙公豫

慶元二年八月朝奉大夫
四年七月除浙東提舉

王聞禮

慶元四年十月朝奉郎在任
累轉朝請郎六年九月滿

李珏

慶元六年十二月朝散郎在任轉朝
請郎嘉泰二年十月除湖北提舉

趙善防

嘉泰二年十二月朝散郎以戕事修舉
及磨勘轉朝奉大夫四年九月被召

葉箋

嘉泰四年十月朝請郎開禧元年五月與新知台州湯郎中兩易

馮琦

開禧元年五月朝奉郎在任轉朝散郎三年十月罷

劉董

開禧三年十月朝請大夫嘉定元年十一月守宮觀

李直養

嘉定元年十一月十七日朝散郎當月二十二日依舊知通州

王遇

嘉定元年十二月朝散郎三年六月除浙東提舉

張燁

嘉定三年七月朝請大夫五年七月除司農寺丞尋改湖南提舉又改知章州

趙善湘

嘉定五年九月朝散郎

呂祖平

嘉定六年十一月朝奉大夫八年十月差知徽州

趙伯麟

嘉定八年十二月朝請大夫

胡衛

嘉定十年四月朝散郎在任轉
朝請郎十二年閏三月被召

趙崇模

嘉定十二年閏三月承議郎在任
轉朝奉郎十四年四月滿

趙汝達

嘉定十四年四月朝奉大夫十五年四月以
寶璽恩轉朝散大夫十六年正月除軍器監

丞二月除
司農寺丞

史彌念

嘉定十六年四月朝請大夫在任
轉朝議大夫寶慶元年四月滿

趙彥戒

寶慶元年四月朝請郎在任
轉朝奉大夫三年閏五月滿

史宣之

寶慶三年閏五月朝散
大夫紹定二年五月滿

鄭必萬

紹定二年五月朝奉郎在任轉
朝散郎十一月除將作監丞

江湛

紹定四年正月八日朝請郎當月
十五日除淮南運判兼知真州

王定

紹定四年二月朝奉郎九月以
皇太后慶壽恩轉朝散郎五年九月除浙西
提舉

程有後

紹定五年閏九月朝奉大夫

陳艾

端平元年十月朝奉大夫二年二月轉朝散
大夫十月除大理寺丞十一月除大宗丞二
年四月除
都官郎官

劉泳

何處信

端平二年十月奉直大
夫嘉熙元年月罷

謝達

嘉熙元年十一月
二年正月除湖南提刑

衛樵

嘉熙三年六月朝散大
夫三年九月改知州

陳采

嘉熙三年十月朝奉郎在任累轉朝請郎四年九月改知慶州

宋慈

嘉熙四年十一月朝奉郎淳祐元年八月轉朝散郎二年三月賑濟有勞轉朝議郎當月

除司農寺丞四月改知贛州未離任罷

陳昉

淳祐二年六月三年正月改知台州

章琰

淳祐三年四月朝奉郎直秘閣四年九月罷

陳大猷

淳祐四年十月朝奉大夫將作少監兼國子司業出守五年正月轉朝散大夫八月罷

王鎔

淳祐五年九月承議郎在任轉朝奉郎六年六月罷

王克謙

淳祐六年八月朝奉大夫直寶謨閣七年四月除左曹郎官

李迪

淳祐七年七月承議郎直秘閣八年四月轉朝奉郎八月除直寶謨閣知鎮江府權淮東

王圭

領

淳祐八年七月朝奉郎監行在諸司糧料院出守十一月以江淮茶鹽所賞轉朝散郎九年十月磨勘轉朝請郎十年十二月以職事

田文虎

淳祐十二年七月朝散郎權審院編修官兼檢詳出守十月轉朝請郎寶祐二年七月病

陳均

八月轉朝奉大夫十一月離任寶祐三年二月朝奉大夫直秘閣十一月除倉部郎官十二月轉朝散大夫四年正月前去

趙時解

寶祐四年正月通直郎大理寺主簿守十月以經界賞轉兩官直秘閣五年十月除屯田官

馬揚祖

寶祐五年十二月承議郎國農寺丞出守六年四月兼權浙西提刑七月轉朝奉郎尋回

司平江兼權淮浙發運司及府事

汪洵之

寶祐六年八月奉議郎司農寺主簿暫權十一月正除在任轉承議郎開慶元年三月赴

都堂稟議

衛宗武

開慶元年三月奉議郎監尚書六部門暫權七月正除閏十一月別與州郡差遣

陳桃

開慶元年閏十一月朝散大夫浙西提刑兼知景定元年四月罷

孫子秀

景定元年六月朝請郎浙西提刑兼知在任轉朝奉大夫九月兼免

黃大任

景定元年十一月承議郎當月以榮請徹章轉朝奉郎十二月罷

汪立信

景定二年二月朝奉郎左曹郎官出守在任轉朝散郎六月兼浙西提刑八月正除

趙澆夫

景定二年十月朝散郎司農寺丞兼權左曹郎官出守三年閏九月罷

錢庚孫

景定三年十一月奉議郎軍器監簿出守四年正月有旨別與差遣

洪穰

景定四年四月郎將作監丞出守五年十月罷

孫吳會

景定五年十月朝請郎十二月乞替 旨依

家鉉翁

景定五年十二月朝奉郎監行在諸司糧料院出守咸淳二年十月除太府寺丞當月

改江西提刑十二月改浙東提刑

史能之

咸淳二年十二月朝奉大夫太府寺丞出守

重修毗陵志卷第八